



სსიპ საქართველოს ეროვნული მუზეუმისათვის
ქონების დაზღვევის შესყიდვის
გამარტივებული ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

თბილისი, 2011 წელი

- ❖ პრეტენდენტის საკვალიფიკაციო მონაცემები უნდა შეიცავდეს შემდეგ ცნობებსა და ინფორმაციას.
იურიდიული პირისათვის:
 - ა) ცნობა, რომ მის მიმართ არ ხორციელდება რეორგანიზაცია ან/და ლიკვიდაცია.
 - ბ) ცნობა შესაბამისი ორგანოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.**ფიზიკური პირისათვის:**
 - ა) პირადობის მოწმობის ასლი.
 - ბ) ცნობა შესაბამისი უფლებამოსილი ორგანოდან რომ იგი უკანასკნელი 5 წლის განმავლობაში არ იყო მსჯავრდებული და მოცემულ მომენტში მის მიმართ არ მიმდინარეობს სისხლის სამართლის საქმე ეკონომიკურ ან სამსახურებრივ საქმიანობასთან დაკავშირებული დანაშაულისათვის.**როგორც იურიდიული ისე ფიზიკური პირებისათვის:**
 - ა) პრეტენდენტის დასახელებას, ტელეფონს, ფაქსს, საბანკო რეკვიზიტებს ხელმძღვანელის სახელსა და გვარს.
 - ბ) ინფორმაცია ბოლო პერიოდში შესრულებული, ან მოცემულ პერიოდში მიმდინარე ანალოგიური მომსახურების შესახებ.
- ❖ პრეტენდენტის შესაბამისად უფლებამოსილი პირის მიერ ხელმოწერილი სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 20 კალენდარული დღის განმავლობაში.
- ❖ პრეტენდენტს არ აქვს უფლება წარმოადგინოს ალტერნატიული წინადადება.
- ❖ შესყიდვის ობიექტი: ქონების დაზღვევა.
- ❖ შესყიდვის ობიექტის მოწოდების ვადა: ხელშეკრულების გაფორმებიდან 2011 წლის 31 დეკემბრის ჩათვლით.
- ❖ პრეტენდენტი ვალდებულია გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.
- ❖ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს ელექტრონული ვაჭრობის დამატებითი რაუნდების თარიღს.
- ❖ სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. ანგარიშსწორება მოხდება უნაღლო ანგარიშსწორებით, ეტაპობრივად, მიღება-ჩაბარების აქტების გაფორმებიდან 10 სამუშაო დღის განმავლობაში. საავანსო ანგარიშსწორება არ გამოიყენება.
- ❖ პრეტენდენტმა უნდა წარმოადგინოს ფასების ცხრილი დანართი №1-ის მიხედვით.

საკონტაქტო პირი :

სატენდერო კომისიის აპარატის წევრი ნანა ჯაშიაშვილი

ტელ : 877 24 55 66, 98 21 35, njashvili@museum.ge

ტექნიკური დავალება

საქართველოს ეროვნული მუზეუმის ბალანსზე რიცხული შენობა-ნაგებობების დაზღვევა უნდა მოხდეს შემდეგი რისკებისგან:

„ხანძარი“ - ზარალის წარმოშობა ხანძრის, ორთქლის ქვაბების, საწვავსაცავების, საწვავსადენების, დანადგარების, ხელსაწყოების, აპარატების, მანქანების აალების ან აფეთქების, მეხის დაცემის, ელექტრული ხელსაწყოების, მანქანების, აპარატების შიდა აალების შედეგად;

„აფეთქება“ - ზარალის წარმოშობა აირებისა და ორთქლების გაფართოებისა და მისწრაფების, დამყარებული ძალების უეცრად მიმდინარე გამოვლენის შედეგად.

„წყალი“ - ზარალის წარმოშობა წყალსადენების, გასათბობი, ხანძარსაწინააღმდეგო, საკანალიზაციო სისტემების ავარიის შედეგად; წყლის შემოჭრისას მეზობელი სადგომებიდან, მიწისქვეშა წყლების გამოსვლის, წყალდიდობის, თავსხმის, მდინარეების აღიდების შედეგად;

„სტიქიური უბედურება“ - ზარალის წარმოშობა გარე ბუნებრივი ძალების მექანიკური ზემოქმედების შედეგად (ქარიშხალი, გრიგალი, ქარბორბალა, შტორმი, სეტყვა, ქვისცვენა, მეწყერი, გრუნტის დაწვეა, ყინვის მოქმედება, უხვთოვლიანობა, წყალდიდობა, თავსხმა, მდინარეების აღიდება, მიწისძვრა);

„მესამე პირთა მართლსაწინააღმდეგო ქმედება“ - ზარალის წარმოშობა ქურდობის (გატეხვით), ძარცვა-დაყაჩაღების ან მესამე პირთა ქმედების შედეგად.

საფრენი აპარატის ან მისგან გადმოვარდნილი საგნების დაცემის შედეგად;

ავტომანქანის შეჯახების შედეგად;

სხვადასხვა საგნების დაცემის შედეგად;

- ფრანშიზა არ უნდა აღემატებოდეს სადაზღვევო თანხის 1%-ს.

№	მისამართი	საბალანსო ღირებულება (ლარი)
1	ქ. თბილისი, რუსთაველის გამზ. 3/10	4378752.16
2	ქ. თბილისი, სიონის ქ. 8	231791.33
3	ქ. თბილისი, რუსთაველის გამზ. 11	4170145.57
4	ქ. თბილისი, რუსთაველის გამზ. 19	10245.63
5	ქ. თბილისი, რუსთაველის გამზ. 37	135586.14
6	ქ. თბილისი, რუსთაველის გამზ. 24/ლალიძის 1	71702.27
7	ქ. თბილისი, ქიაჩელის 12/ახვლედიანის 9	104812.38
8	ქ. თბილისი, პუშკინის 4	6030768.89
9	ქ. სიღნაღი, რუსთაველის ჩიზი 8	1407505.38
		<u>16541309.75</u>

ფასების ცხრილი

პრექტენდენტის დასახელება-----

დასახელება	პირითადი მასხასიათებლები	რაოდენ ობა	ერთეუ ლის ფასი	საერთო ღირებუ ლება	მიწოდების ვადა	მიწოდების ადგილი
1	2	3	4	5	6	7

ხელშეკრულება სახელმწიფო შესყიდვის შესახებ

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში)

ქ.თბილისი

2011 წელი

ერთის მხრივ, სსიპ საქართველოს ეროვნული მუზეუმი (შემდგომში „შემსყიდველი“) და მეორეს მხრივ _____ (შემდგომში „მიმწოდებელი“) იმის გათვალისწინებით, რომ შემსყიდველმა ჩაატარა ტენდერი

შესყიდვის ობიექტის მოკლე აღწერა
შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)
(შემდგომში „ხელშეკრულების ღირებულება“)

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ კალენდარული დღე, კვირა, თვე.
- 1.4. „შემსყიდველი“- ორგანიზაცია, რომელიც ახორციელებს შესყიდვას.
- 1.5. „მიმწოდებელი“ პირი, რომელიც ახორციელებს მომსახურებას ხელშეკრულების ფარგლებში.

2. ხელშეკრულების საგანი

- 2.1. წინამდებარე ხელშეკრულების საგანია ქონების დაზღვევის შესყიდვა (ხელშეკრულებით გათვალისწინებული შესყიდვის ობიექტი განისაზღვრება სატენდერო დოკუმენტაციის, კერძოდ ტექნიკური დავალების შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს) შემდგომში მომსახურება.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს _____ ლარს.

4. ანგარიშვორების ფორმა და ვადები

- 4.1. მიმწოდებელთან ანგარიშვორება განხორციელდება უნაღდო ანგარიშვორების ფორმით ეროვნულ ვალუტაში.
- 4.2. მიმწოდებელთან ანგარიშვორება იწარმოებს ეტაპობრივად, გაწეული მომსახურების შესაბამისად მხარეთა მიერ გაფორმებული მიღება-ჩაბარების აქტის წარმოდგენიდან 10 საბანკო დღის განმავლობაში.

5. სტანდარტები

- 5.1. მიმწოდებელი იძლევა გარანტიას, რომ გაწეული მომსახურება შესაბამისობაში იქნება საქართველოში მოქმედ სტანდარტებთან და სრულად დააკმაყოფილებს შემსყიდველის მოთხოვნებს.

6. შესყიდვის ობიექტის მიღება-ჩაბარების წესი

- 6.1. შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 6.2. შესყიდვის ობიექტის (მისი ნაწილის, ეტაპის) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 6.3. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების ნაწილის (ეტაპის) და წუნდების მიზეზის მითითებით.
- 6.4. ამ ხელშეკრულებით გათვალისწინებული მომსახურების შემოწმებას და მიღება-ჩაბარებას ახორციელებს საქართველოს ეროვნული მუზეუმის _____.

7. მხარეთა უფლება მოვალეობები

- 7.1. შემსყიდველს უფლება აქვს:
 - მიმწოდებლისაგან მოითხოვოს ხელშეკრულებით გათვალისწინებული ყველა პირობის დაცვა.

7.2. შემსყიდველი ვალდებული:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

7.3. მიმწოდებელს უფლება აქვს:

- მოთხოვნის შემსყიდველს შესრულებული მომსახურების ღირებულების ანაზღაურება.

7.4. მიმწოდებელი ვალდებულია:

- შემსყიდველს გაუწიოს ხელშეკრულებით გათვალისწინებული მომსახურება წარმოშობილი მოთხოვნის შესაბამისად.
- დროულად და კეთილსინდისიერად შეასრულოს ხელშეკრულებით ნაკისრი ვალდებულება.

8. ხელშეკრულების მოქმედების ვადა

8.1. წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2011 წლის 31 დეკემბრის ჩათვლით.

9. ხელშეკრულების პირობების შეუსრულებლობა

- 9.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებლობის ნაწილის 0.1%-ს.
- 9.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 9.3. საჯარო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებით ნაკისრი ვალდებულებების შესრულების ინსპექტირება

- 10.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 10.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 10.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

11. ხელშეკრულებაში ცვლილებების შეტანა.

- 11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 11.2. თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 11.4. ხელშეკრულების პირობების ნებისმიერ ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ფორს- მაჟორი

- 12.1. ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.
- 12.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობით შეტყობინება ასეთი გარემოებების და მათი გამომწვევი მიზეზების შესახებ.

13. ხელშეკრულების შეწყვეტა მისი პირობების შეუსრულებლობის გამო

- 13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- თუ მიმწოდებელს ხელშეკრულებით გათვალისწინებულ ვადებში არ შეუძლია გაუწიოს მთლიანი მომსახურება;
 - თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 13.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

- თუ შემწყიდელისათვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - მიმწოდებლის გაკორტების შემთხვევაში;
 - საქართველოს კანონმდებლობით გათვალისწინებულ სხვა შემთხვევებში.
- 13.4. ამ პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

14. დაგები და მათი გადაწყვეტის წესი

- 14.1. ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 14.2. შეთანხმების მიუღწევლობის შემთხვევაში მხარეები მიმართავენ სასამართლოს, საქართველოს კანონმდებლობის შესაბამისად.

15. სხვა პირობები

- 15.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება.
- 15.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 15.3. ორივე მხარე უფლებამოსილია მოშალოს ეს ხელშეკრულება ცალმხრივად თუ მეორე მხარე ვერ უზრუნველყოფს თავის ვალდებულებების ჯეროვან შესრულებას; მხარე ვალდებულია გადაწყვეტილების მიღების განზრახვის შესახებ არანაკლებ 5 კალენდარული დღით ადრე შეატყობინოს მეორე მხარეს.
- 15.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 15.5. ხელშეკრულება შედგენილია ქართულ ენაზე, იურიდიული ძალის მქონე ორ იდენტურ ეგზემპლარად, თითო ყოველი მხრისთვის.

16. მხარეთა რეკვიზიტები და ხელმოწერები

შემსყიდველი

მიმწოდებელი